

摘藻堂四庫全書薈要

史部

欽定四庫全書蒼要卷六千二百九十六

金史卷五十四

元中書右丞相總裁托克托等修

志第三十五

選舉四

部選  
薦舉

省選  
功酬

虧永  
廉察

凡吏部選授之制自太宗天會十二年始法古立官至天眷元年頒新官制及天德四年始以河南北選人並赴中京吏部各置局銓注又命吏部尚書蕭頤定河南

北官通注各以諸司橫班大解并大將軍合注差人依  
年例一就銓注餘求任人分四季擬授遂為定制貞元  
二年命擬注時依舊令求仕官明數謂面不許就本鄉

若衰病年老者毋授繁劇處世宗大定元年勅從八品

以下除授不須奏聞又制求仕官毋入權門違者追一

官降除有所覬獻而受之者奏之二年詔隨季選人如  
無過或有功酬者依格銓注有廉能及汚濫者約量升  
降呈省七年命有司自今每季求任人到部令本部體

問政跡出衆者及贓汚者申省核實以聞約量升擢懲  
斷年老者勿授縣令又謂宰臣曰隨朝官能否大率可  
知若外路轉運司幕官以至縣令但驗資考其中縱有  
忠勤廉潔者無路而進是此人終身不敢望三品矣豈  
進賢退不肖之道哉自今通三考視其能否以定升降  
為格又曰今用人之法甚弊其有不求間達者入仕雖  
久不離小官至三四十年不離七品者而新進者結朝  
貴致顯達此豈示激勸之道卿等當審於用人以革此

弊時青州防禦使常德輝上言吏部格法止叙年勞是以雖有才能拘於法而不得升以致人才多滯下位又刺史縣令親民之職多不得人亡加體察然後公行廉問庶使有懼心且今酒稅使尚選能者況承流宣化之官可不擇乎自當宜以能吏當任酒使者授親民之職從之十年上謂宰臣曰守令以下小官能否不能徧知比聞百姓或請留者類皆不聽凡小官得民悅上官多惡之能承事上官者必不得民悅自今民願留者許直

赴部告呈省遣使覆實其績果善可超升之如丞簿升

縣令之類以示激勵二十六年以闕官勅見行格法合

降資歷內三降兩降各免一降一降者勿降省令譯史

合得縣令資歷內免錄事及下縣令各一任密院令史

三考以上者今前免之臺部宗正府統軍司令譯史合

歷縣令任數免下令一任外路右職文資諸科合歷縣

令亦免一任當過檢法知法三考得錄事者已後兩除

一差明昌三年上曰舊制每季到部求任人識字者試

以書判不識字者問以疑難二事體察言行相副者其  
令自今隨季部人並令依條試驗宰執奏曰既體察知  
與所舉相同又試中書判若不量與升除無以示勸遂  
定制若隨朝及外路六品以上官則隨長任用外路正  
七品官擬升六品縣令一等除授任滿合降者免降從  
七品以下於各等資歷內減兩任擬注以後體察相同  
即依已升任使若體察不同者本等注授若見任縣令  
升中上令者并掌錢穀及丁憂去者俟解由到部諸局

分人亦候將來出職日準上擬注明安穆昆擬依前提  
刑司保舉到升任例施行時嘗令隨門戶減一資歷明  
昌七年勅復令如舊泰和元年上以縣令見守闕近者  
十四月遠者十六月又以縣令丞簿員闕不相副勅省  
臣右選官見格散官至明威者注縣令宣武者注丞簿  
雖曾犯選格及虧永者亦注是無別也遂定制曾犯選  
格及虧永者廣威注令明威注丞簿衛紹王天安元年  
以縣令闕少令初八上中下令者與其守闕可令再注



丞簿一任俟員闕相副則當復舊宣宗貞祐二年以播  
越流離官職多闕權命河朔諸道宣撫司得擬七品以  
下尋以所注吏部不知季放之闕多致重複乃奏罷之  
時李英言兵興以來百務煩冗政在用人舊雖有四善  
十七最之法而拔擢蔑聞幾為徒設大定間以監察御  
史及審錄官分詣諸路考覈以擬號為得人可依已試  
之効庶幾使人自勵詔從之三年戶部郎中鄂屯阿古  
言諸色遷官並與女直一體而有司不奉妄生分別以

至上下相疑詔以違例禁之初宣宗之南遷也詔吏部以秋冬於南京春夏於中都置選而赴調者憚於北行率皆南來遂併於南京設之三年命汰不勝官者令五品以上官公舉今季赴部人內先擇材幹者量緩急易之興定元年詔有司議減冗員又詔自今吏部每季銓選差女直漢人監察各一員監視又盡罷前犯罪降除截罷及承應未滿解去而復為隨處官司委使者又定制權依劇縣例俱作正七品令隨朝七品外路六品以

上職事官舉正七品以下職事官年未六十無公私罪  
堪任使者歲一人仍令兼領樞密院彈壓之職以鎮軍  
人凡上司不得差占及凌辱決罰到任半年委巡按官  
體訪具申籍記又半年覆考察滿日分等升用如六事  
備為上等升職一等四事為中等減二資歷其次下等  
減一資歷不稱者截罷

凡省選之制自熙宗皇統八年以上京僻遠始命詣燕  
京擬注歲以為常貞元遷都始罷是制其常調制正七

品兩任陞六品六品三任陞從五品從五品兩任陞正  
五品正五品三任陞刺史凡內外官皆以三十月為考  
隨朝官以三十月為任陞職一等自非制投尚書選在  
外官命左司移文勾取承安三年始命置簿勾取大定  
十五年制凡二品官及宰執樞密使不理任每及三十  
月則書于貼黃不及則附于闕滿簿內外三品官以五  
十月為任泰和三年制凡文資右職官應遷三品職事  
者五品以上歷五十月六品以下及門廕雜流職事至

四品以上而散官應至三品者皆歷六十月方許告遷

七年自按察使副依舊三十月理考外內外四品以四

十月理考通八十月遷三品太和八年詔以門蔭官職

事至四品者甚少自今至刺史而散官應至三品者即

許告遷三品此省選資考之制也世宗大定元年上謂

宰臣曰朕昔歷外任不能悉知人之優劣每除一官必

以不稱職為憂夫薦賢乃相職卿等其各盡乃心勿貽

笑天下又曰凡擬注之際當為官擇人勿徒任親舊庶

無曠官矣又曰守令之職當擇材能比聞近邊殘破多用年老及罪降者是益害邊民也若資歷高者不當任邊遠可取以下之材能者升授回不復降庶可以完復邊陲也邊陲之制蓋始于此三年詔監當官遷散官至三品當任縣令者與省除四年勅隨朝六品以繁劇局分官有關者省不得擬注令具關及人以聞六年制官至三品除朝廷約量勞績歲月特恩遷官七年制內外三品官遇擬注其歷過成考以上月日不曾遷加或經

革撥可於除目內備書以聞又勅外路四品以上職事  
官并五品合陞除官皆具闕及人以聞六品以下官命  
尚書省擬定而復奏上又謂宰臣曰擬注外官往往未  
當州縣之官良則政舉否則政隳卿宜辨論人材優劣  
參用則遞相勉勵庶幾成治矣又曰從來頓舍入例為  
節副今宣徽院同簽尼楚赫以特收頓舍然後授以滄  
州同知此亦何功但其人有足任使故授以同簽也且  
如自護衛符寶頓舍考滿者與六品五品之職而與元

苦辛特收頓舍者例除則是不倫也十年謂宰臣曰凡在官者莫不為隨朝職任使不能離常調若以卿等所知任使恐有滯如驗入仕名項或廉等第用之亦可若不稱職即與外除十一年上謂宰臣曰隨朝官多自計所歷一考謂當得某職兩考又當得某職故但務因循而已及被差遣又多稽違近除大理司直李寶為警巡使而奏謝言臣內歷兩考意謂合得五品而除六品也朕以此人幹事嘗除監察御史及為大理司直未嘗言



情見一事猶是除長官欲視其為政故授是職自今外  
路與內除者察其為政公勤則升用若但務苟簡者不  
必待任滿即當依本等出之不明賞罰何以示勸勉也  
十二年上謂宰臣曰朕嘗取尚書省百官行止觀之應  
任刺史知軍者甚少近獨深州同知希卞蘇為可故用  
之即今居五品者皆再任當例降之人故不可也護衛  
中有考滿者若令出職慮其年幼不閑政事兼宿衛中  
如今日人材亦難得也若勒留承應累其資考令至正

五品可乎皆曰善十六年勅宰臣選調擬注之際須引

外路求任人引至尚書省堂量材受職二十一年謂宰

臣曰海陵時與人本官太濫今復太濫今散官小者奏

之二十四年以舊資考太滯命各減一任臨時量人材

辛苦資歷年甲以次奏稟章宗大定二十九年定制自

正七品而上皆以兩任而後陞明昌四年以前制有職

官已帶三品者不許告遷有司因之不舉以致無由遷

叙上慮其滯遂定制已帶三品散官實歷五十月從有

司照勘格前進官一階格後為始再算五年命宰臣擬注之際召赴選入與之語以觀其人六年命隨朝五品之要職及外路三品官皆具人闕進呈以聽制授七年勅隨朝除授必欲至三十月如有急闕則具闕及人奏稟尋復令不須待考滿後當通算其所歷而已承安四年勅宰臣曰凡除授恐未盡當今無門下省雖有給事中而無封駁司若設之使於擬奏未受時詳審得當然後授之可也乃立審官院凡所送令詳審者以五日內

奏或申省承安五年以六品從五品闕少勅命歷三任  
正七品而後陞六品泰和元年諭旨宰臣曰凡遇急闕  
與其用資歷未及之人何如止起復丁憂舊人也命內  
外官通算合得升等而少十五日者依舊在職補足而  
後升除或有餘月日以後積算遇闕而無相應人則以  
資歷近者奏稟二年命少五月以下者本任補六月至  
十四月者本任或別除補之是制既行之後至六年以  
一例遞升復恐太濫命量材績稟衛紹王大安元年定

文資本職出身內有至一品職事官應遷一品散官者  
實歷五十月方許告遷二品三品職事官應告本品循  
遷者亦歷五十月不得過本品外四品以下職事官如  
遷三品者亦歷五十月止許告遷三品一資六品以下  
職事官歷六十月告遷帶至三品更不許告犯選格者  
皆不許如已至三品以上職事者六十月亦聽凡選三  
品官資及致仕并橫遷三品者則具行止以聞四品則  
六十月告遷雜班則否宣宗興定初圖克坦烏遜言兵

興以來恩命數出以勞進階者比年猶多賤職下僚散  
官或至極品名器之輕莫此為甚自今非親王子及職  
一品餘人雖散官至一品七皆不許封公若已封者雖  
不追奪其儀衛亦當降從二品之制從之凡選監察御  
史尚書省具才能者疏名進呈以聽制授任滿御史臺  
奏其能否仍視其所察公事具書於解由以送尚書省  
如所察事皆無謬戾為稱職則有陞擢庸常者臨期取  
旨不稱者降除任未滿者不許改除大定二十七年前

嘗令六十以上者為之後臺官以年老者多廢事為言  
乃勅尚書省於六品七品內取六十以下廉幹者備選  
二十九年令臺官得自辟舉明昌三年復命尚書省擬  
注每一闕則具三人或五人之名取旨授之承安三年  
勅監察給由必經部而後呈省泰和四年制以給由具  
所察事之大小多寡定其優劣八年定制事有失糾察  
者以怠慢治罪貞祐二年定制以所察大事至五小事  
至十為稱職數不及且無切務者為庸常數內有二事

不實者為不稱職四年命臺官辟舉以名申省定其可  
否

廉察之制始見於海陵時故正隆二年六月有廉能官  
復與差除之令大定三年命廉到廉能官第一等進官  
一階陞一等其次約量注授汚濫官第一等殿三年降  
二等次二年又次一年皆降一等詔廉問明安穆昆廉  
能者第一等遷兩官其次遷一官汚濫者第一等決杖  
百罷去擇其兄弟代之第二等杖八十第三等杖七十



皆令復職佛寧決則罷去永不補差八年省臣奏御史中丞伊喇道所廉之官上曰職官多貪污以致罪廢其餘亦有因循以苟歲月者今所察能實可甄獎若即與升除恐無以慰民愛留之意且可遷加俟秩滿日升除十年正月上謂宰臣曰今天下州縣之職多闕員朕欲不限資歷用人何以偏知其能擬欲遣使廉問又慮擾民而未得其真若令行辟舉之法復恐久則生弊不若選人暗察明廉如其相同然後陞黜之何如宰臣曰當

如聖訓十一年奏所廉善惡官上曰罪重者遣官就治所犯細微者蓋不能禁制妻孥耳其誠勵而釋之凡廉能官四品以下委官覆實同則升擢三品以上以間朕自處之時陳言者有云每三年委宰執一員廉問者上以大臣出則郡縣搖動誰復敢行事者今默察明問之制蓋得其中矣又謂宰臣曰朕以欲遍知天下官吏善惡故每使採訪其被升黜者多矣宜知勤也若常設訪察恐任非其人以之生弊是以姑罷之皆曰是官不設

何以知官吏之善惡也左丞相良弼曰自今臣等盡心  
親察之上曰宜加詳勿使名實淆混十二年以同知山  
陽軍山和尚等清強上曰此輩暗察明訪皆著政聲夫  
賞罰必信則善者勸惡者懼矣道久行庶可得入也其  
第其政績旌賞之三月詔職官旣以被廉若仍舊在職  
必復害民其遣驛使遍詣諸道即日罷之大定二十八  
年制以閤門祇候筆硯承奉奉職妃護衛東宮入殿小  
底宗室郎君王州郎君省郎君始以選才用之不須體

察內藏巴哩巴不入殿實達爾與入殿實達爾及扎布  
書畫亦不體察三年以所廉察則有清廉之聲而政績  
則平常者勅命不降注以石仲淵等四人雖清廉為百  
姓所喜而復有行事邀順人情之語則與公正廉能人  
不同勅命降注凡治績平常者奪元舉官俸一月明昌  
四年上曰凡被舉者或先察者不同其後為入再舉而  
察者同或先察者同而後察者不同當何以處之其議  
可久通行無窒之術以聞省臣奏曰保舉與體察不一

者可除不相攝提刑司境內職事再令體察如果同則依格用不同則還本資歷時有議凡當舉人之官歲限以數減資注受者是日省臣併奏以謂如此恐滋久長求請僥倖之弊遂擬被舉官如體察相同隨常陞用不如所舉者元舉官約量降除如自屬求舉或因勢要及為人請囑而舉之者各追一官受賄者以枉法論體察官亦同此歲舉不限數不舉不坐罪但不如有舉則有降罰如此則必不敢濫舉而實材可得上曰是可止作

條理施行一二年當別思其法承安四年以按察司不  
兼採訪遂罷平例別路除授之制泰和元年定制自第  
一等關外第二等關滿合注縣令者升上令少一任與  
中令少二任與下令少三任以上者與錄事軍防判仍  
減一資注令少五任以上者注丞簿第三等任滿合注  
縣令者升中令少一任與下令少二任以上者與錄事  
防判亦減一資注令少四任以上者並注丞簿已入縣  
令者秩滿日與上等仍依各等資考內通減兩任呈省

已任六品七品者減一資注授經保充縣令明問相同  
依資考不待滿升除見隨朝者考滿升注既升除後將  
來覆察公正廉能者不降宣宗南遷嘗以御史巡察興  
定元年以縣官或非材監察御史一過不能備知遂令  
每歲兩遣監察御史巡察仍別選官巡訪以行黜陟之  
政哀宗正大元年設司農司自卿而下迭出巡察吏治  
臧否以陞黜之

舉薦大定二年詔隨朝六品外路五品以上官各舉廉

能官一員三年定制若察所得舉相同者即議旌除若  
聲跡穢濫所舉官約量降罰九年上曰朕思得忠廉之  
臣與之共治故嘗命五品以上各舉所知于今數年矣  
以天下之大豈無其人由在上者知而不舉也參知政  
事魏子平奏曰可令當舉官者每任須舉一人視其當  
否以為旌賞上曰一任舉一人則人材或難恐涉於濫  
又少有所犯則罪舉者故人益畏而不敢舉宋國被舉  
之官有犯罪者所舉官雖宰執亦不免降黜若有能名



則被遷賞且人情始慕進故多廉慎旣得任用或失所  
守宰執自掌黜陟之權豈可因所舉而置罪也左丞相  
赫舍哩良弼曰己申前令命舉之矣十年上曰舉人之  
法若定三品官當舉幾人是使小官皆諂媚於上也惟  
任滿詢察前政則得入矣十一年上謂宰臣曰昨觀貼  
黃五品以上官多闕而難於得人凡三品以上朕則自  
知五品以下不能盡識卿等曾無一言見舉者國家之  
務朕豈能獨盡哉蓋嘗思之欲盡久安之計興百姓之

利而無良輔佐雖有所行皆尋常事耳十九年時朝廷  
既取民所譽望之官而升遷之後上以隨路之民赴都  
舉請者往往無廉能之實多為所使而來沽名者不須  
舉行章宗大定二十九年上以選舉十事命奉御赫魯  
諭尚書省定擬其一曰舊格進士軍功最高尚且初除  
丞簿第五任縣令升正七品兩任正七品升六品三任  
六品升從五品兩任從五升正五品正五三任而後升  
刺史計四十餘年始得至刺史也其他資格出職者可

知矣拘於資格之滯至於如此其令提刑司採訪可用之才減資考而用之庶使可用者不至衰老省臣遂擬凡三任升者減為兩任於此資歷內遇各品闕多則於第二任未滿入內選人材苦辛可以超用者及外路提刑司所採訪者升擢之其二曰舊格隨朝苦辛驗資考陞除者任滿同日而復降之如正七滿回降除從七品從五品回降為六品之類今若其人果才能可為免降尚書吏部遂擬今隨朝考滿遷除外路五品以下職事

并應驗考次職滿有才能者以本官任滿已前十五月  
以上二十月以內察訪保結呈省其三曰隨路提刑所  
訪廉能之官就令定其堪任職事從宜遷注其四曰從  
來宰相不得與求仕官相見如此何由知天下人材優  
劣其許相見以訪才能尚書刑部謂在制求仕官不得  
於私第謁見違官違者追一官降等奏除若有求請餽  
遺則以奏聞仍委御史糾察上遂命削此制其五曰舊  
時臣下雖知親友有可用者皆欲遠嫌而不引薦古者

舉賢不避親讐如祁奚舉讐仁傑舉子崔祐甫除吏八  
百皆親故也其令五品以上官各舉所知幾人違者加  
以蔽賢之罪吏部議內外五品以上職事官每歲保廉  
能官一人外路五品隨朝六品願舉者聽若不如所舉  
者各約量降罰今擬賢而不舉者亦當約量降罰其六  
曰前代官到任之後即舉可自代者其令自今五品以  
上官舉自代以備交承吏部接唐會要建中元年敕文  
文武常參官外節度觀察防禦軍使勅史亦令畿令并

七品以上清官大理司直評事受命之三日於四方館  
上表讓一人以自代外官則馳驛奏聞表付中書門下  
每官闕即以所舉多者量授今擬內外官五品以上到  
任須舉所才行官一員以自代太傅丞相平章謂自  
古人材難得若令舉以自代恐濫而不得實材參政謂  
自代非謂即令代其人也止類姓名取所舉多者約量  
授之爾此蓋舜官相讓周官推賢之遺意上以參政所  
言與吏部同從之其七日隨朝外路長官一任之內足

知僚屬之能否每任可令舉幾人吏部擬今內外五品以上職事官長於僚屬內須舉才能官一人數外舉者聽其八曰人材隨色有之監臨諸物料及草澤隱逸之士不無人材宜薦舉用之吏部擬監臨諸物料內以外路五品隨朝六品以上舉廉能者直言所長移文轉申省差官察訪得實隨材任使草澤隱逸當遍下司縣以提刑司察訪呈省隨色人材令內外五品以上職官薦之其九曰親軍出職內有尤長武藝勇敢過人者其令

內外官舉提刑司察如資考高者可參注沿邊刺史同知縣令吏部擬若依本格資歷恐妨才能若舉察得實者依本格減一資歷擬注尚書省擬依旨升品擬注其十曰內外官所薦人材即依所舉試之委提刑司採訪虛實若果能稱職再加選擢如或碌碌即送常調古者進賢受上賞進不肖有罰其立定賞罰條格庶使人不敢徇私也省臣議隨款各欲舉人則一人內所舉不下五七人自古知人為難人材亦自難得限數多則猥避



責罰務苟簡不副聖主求賢之意擬以前項各款隨色能舉一人即充歲舉之數如此則不濫而實材得矣每歲貢入數尚書省覆察相同則置簿籍之如有闕則當隨材奏擬明昌元年勅齊民之中有德行才能者司縣舉之特賜同四舉五舉人下明昌元年制如所舉碌碌無過人跡者元舉官依例治罪宣宗興定元年令隨朝七品外路六品以上職事官舉正七品以下職事官年未六十不犯贓堪任使者一人三年定辟舉縣令制稱

職則元舉官減一資歷中平約量陞除不稱罰俸一月  
犯免官免所居官及官當私罪解任杖罪贓汚者約量  
降除汚贓至徒以上及除名者一任不理資考三品以  
上舉縣令稱職者約量升除不稱奪俸一月若被舉者  
犯免官等罪奪俸兩月贓汚至徒以上及除名者奪俸  
三月獄成而會赦原者亦原之五年制辟舉縣令考平  
者元舉者不得復舉他人舉之者聽又舊制保舉縣令  
秩滿之後以六事論升降三事以下減一資歷四事減

兩資歷六事皆備則升職一等既而御史張升卿言進士中下甲及第人及監官至明威當入縣丞主簿而三事以下減一資歷注下令四事減注中令令皆七品也若復八品矣輕重相戾宜更定之遂定制自今四事以下如前條六事完者進士中下甲及第監官當入縣丞主簿人減三資歷注上令餘出身者亦同此任二十月以上雖未秩滿若以理去官六事之跡已經覆察論升如秩滿例五年以舉官或私其親或徇於請求或謬於

鑒裁而妄舉數歲之間以濫去者九十餘人乃罷辟舉  
縣令之制至哀宗正大元年乃立法命監察御史司農  
司官先訪察隨朝七品外路六品以上官清慎明潔可  
為舉主者然後移文使舉所知仍以六事課殿最而升  
黜舉主故舉主既為之盡心而被舉者亦為之盡力是  
時雖迫危亡而縣令號為得人由作法有足取云

功酬虧永之制凡諸提點院務官三十月遷一官周歲  
為滿止取無虧日月用之大定四年定制一任內虧一

分以上降五人二分以上降十人三分以上降十五人

若有增羨則依此陞遷其陞降不盡之數於後任充折

二十一年以舊制監當官並責決而不顧廉恥之人以

謂已決即得赴調不以刑罰為畏擬自今若虧永及一

酬以上依格追官殿一年外虧永不及酬者亦殿一年

章宗大定二十九年罷年遷之法更定制比永課增及

一酬遷一官兩酬遷兩官如虧課則削亦如之各兩官

止又罷使司小都監與副使一體論增虧者及罷餘前

陞降不盡之數後任充折之制泰和元年制犯選及虧

永者右職漢人至宣武將軍從五品女直至廣威將軍

正五品方注縣令又吏格曾犯選及虧永者女直至武

義從六漢人及諸色人至武畧從六皆注諸司亦兩除

一差至明威方注丞簿貞祐三年制曾虧永犯選者遷

至宣武注諸司至懷遠從四下方注丞簿至安遠從四

上注下令正大元年制曾犯選曾虧永者至廣威與諸

司兩除一差至安遠注丞簿三任其至鎮國從三品下

方注下令羣牧官三周歲為滿所牧之畜以十為率駢  
增二頭馬增二疋牛亦如之羊增四口而大馬百死十  
五疋者及能徵前官所虧三分為率能盡徵及徵二分  
半以上為上等陞一品級駢增一馬牛增二羊增三大  
馬百死二十五徵前官所虧二分以上為中等約量升  
除駢不增馬牛增一羊增二大馬百死三十徵虧一分  
以上為下等依本等除餘畜皆依元數而大馬百死四  
十徵虧不及一分者降一等此明昌四年制也五年制

馬牛羊麇元數十之一驟馬百死四十徵麇不及一分者降一等決四十若駘馬牛羊麇元數一分馬百死四十徵麇不得者杖八十降同前



金史卷五十四

欽定四庫全書薈要卷六千二百九十七

金史卷五十五

元中書右丞相總裁托克托等修

志第三十六

百官一

三師

三公

尚書省

六部

都元帥府

樞密院

大宗正府

御史臺

宣撫司

勸農使司

司農司

二司

國史院

翰林學士院

審官院

太常寺

金自景祖始建官屬統諸部以專征伐巍然自為一國

其官長皆稱曰貝勒故太祖以達貝勒嗣位太宗以安班貝勒居守安班尊太之稱也其次曰古赫哩赫哩貝勒古倫言貴烏赫哩猶總帥也又有古倫貝勒或左右置所謂國相也其次諸貝勒之上則有古倫英實赫赫哩伊拉齊愛滿阿斯罕溫德特之號為陞拜宗室功臣之序焉其部長曰貝勒統數部者曰烏赫哩凡此至熙宗定官制皆廢其後惟鎮撫邊民之官曰圖哩烏爾古之下有繅袞圖依達詳袞之下有默濟格實訥昆具於

官制而不廢皆踵遼官名也漢官之制自平州人不樂為明安穆昆之始置長吏以下天輔七年以左左企弓行樞密院于廣寧尚踵遼南院之舊天會四年建尚書省遂有三省之制至熙宗頒新官制及換官格除拜內外官始定勳封食邑入銜而後其制定然大率皆循遼宋之舊海陵庶人正隆元年罷中書門下省止置尚書省自省而下官司之別曰院曰臺曰府曰司曰寺曰監曰局曰署曰所各統其屬以修其職職有定位員有常

數紀綱明庶務舉是以終金之世守而不敢變焉大定二十八年任仕官一萬九千七百員四季赴選者千餘歲數監差者三千明昌四年奏周歲官死及事故者六百七十新入仕者五百一十見在官萬一千四百九十九內女直四千七百五員漢人六千七百九十四員至泰和七年在仕官四萬七千餘四季部議授者千七百監官到部者九千二百九十餘則三倍世宗之時矣若宣宗之招賢所經略司義宗之益政院雖危亡之政亦

必列于其次以著一時之事云

三師太師太傅太保各一員皆正一品師範一人儀刑

四海

三公太尉司徒司空各一員皆正一品論道經邦變理

陰陽

尚書省尚書令一員正一品總領紀綱儀刑端揆左丞  
相右丞相各一員從一品平章政事二員從一品為  
宰相掌承天子平章萬幾左丞右丞各一員正二品

參知政事二員從二品為執政官為宰相之貳佐治

省事左司郎中一員正五品

國初置左右司侍郎天  
眷三年始更今名舊凡

視朝執政官親執奏自天德二  
年詔以付左右司官為定制

員外郎一員正六品

掌本司奏事總察吏戶部三部受事副事兼帶修起

居注官迴避其間記述之事每月朔朝則先集是月

秩滿者為簿名曰闕本及行止簿貼黃簿并官制同

進呈御覽畢則受而藏之每有除拜凡尚書省所不

敢擬注者則一闕具二三人以聽制授焉都事二員

正七品

貞元二年左右司官宮中出身并進士令史三色人內通選三年以監察御史相應人取

決稟奏不復擬注

掌本司受事付事檢勾稽失省署文牘兼

知省內宿直檢校架閣等事右司所掌同右司郎中

一員正五品員外郎一員正六品掌本司奏事總察

兵刑工三部受事付事兼帶修注官迴避其間記述之事都事二員正七品

尚書省祇候郎君管勾官從七品掌祇候郎君謹其

出入及差遣之事

承安二年以前走馬郎君擬注奏和令以左右女直都事兼正大間



改用親

從人

架閣庫

大定二十一年六月  
設仍以都事提控之

管勾

舊二員正  
大省一員

正八品

同管勾

舊以員正  
大省一員

從八品總掌察左右司大程官追

付文牘并提控小都監給受紙筆餘管勾同

女直省  
令交三

十五人左二十人右十五人大定二十四年為三十  
人進士十人宰執子宗室子十人審院臺部統軍司  
令史十人漢令史三十五人左二十一人右十四人  
省譯史十四人左右各七人女直譯史同通事八人  
左右各四人高麗夏國同統譯史四人左右各二  
人諸部通事六人伊喇二十人走馬郎君五十人提

點歲賜所左右司郎中員外郎兼之掌提點歲賜出

入錢幣之事

堂食公使酒庫使一員從八品享受給歲賜錢總領  
庫事副一員正九品掌貳使事

直省局局長從八品掌都堂之禮及官員參謝之儀  
副局長正九品掌貳局長

管勾尚書省樂工從九品

行臺之制熙宗天會十五年罷劉豫置行臺尚書省  
于汴天眷元年以河南地與宋遂改燕京樞密為行

臺尚書省天眷三年復移置於汴京皇統二年定行  
臺官品皆下中臺一等

六部國初與左右司通署天眷三年始分治

吏部尚書一員正三品侍郎一員正四品郎中二員從

五品

天德二年增  
作四員後省

員外郎從六品

天德二年增  
作四員後省

掌文

武選授勲封考課出給制誥之政以才行勞效比仕  
者之賢否以行止文冊貼黃簿制各闕之機要正七  
品以上以名上省聽制授從七品以下每至季月則

循資格而擬注自八品以上則奏以下則否侍郎以  
下皆為尚書之貳郎中掌文武選流外遷府官吏差  
使行止名簿封爵制誥一員掌勲級酬賞承襲用廢  
從遷致仕考課議謚之事員外郎分判曹務及參議  
事所掌與郎中同文官九品階凡四十有二從一品  
上曰開府議同三司中曰儀司三司中次曰特進下  
曰崇進正二品王曰金紫光祿大夫下曰銀青榮祿  
大夫從二品上曰光祿大夫下曰榮祿大夫正三品

上曰資德大夫中曰資政大夫下曰資善大夫從三

品上曰正奉大夫中曰通奉大夫下曰中奉大夫正

四品上曰正議大夫中曰通議大夫下曰嘉議大夫

從四品上曰大中大夫中曰中大夫下曰少中大夫

正五品上曰中議大夫中曰中憲大夫下曰中順大

夫從五品上曰朝請大夫中曰朝散大夫下曰朝列

大夫

舊曰奉德大夫  
天德二年更

正六品上曰奉政大夫下曰奉

議大夫從六品上曰奉直大夫下曰奉訓大夫正七

品上曰承德郎下曰承直郎從七品上曰承務郎下

曰儒林郎正八品上曰文林郎下曰承事郎從八品

上曰徵事郎下曰從仕郎正九品上曰登仕郎下曰

將仕郎從九品上曰登仕佐郎下曰將仕佐郎

此二階大

定十四年創增

武散官凡仕至從二品以上至從一品者皆

用文資自正三品以下皆與文資同正三品上曰龍

虎衛上將軍中曰金吾衛上將軍下曰驃騎衛上將

軍從三品上曰奉國上將軍中曰輔國上將軍下曰

鎮國上將軍正四品上曰昭武大將軍中曰昭毅大將軍下曰昭勇大將軍從四品上曰安遠大將軍中曰定遠大將軍下曰懷遠大將軍正五品上曰廣威將軍中曰宣威將軍下曰明威將軍從五品上曰信武將軍中曰顯武將軍下曰宣武將軍正六品上曰武節將軍下曰武德將軍從六品上曰武義將軍下曰武略將軍正七品上曰承信校尉下曰昭信校尉從七品上曰忠武校尉下曰忠顯校尉正八品上曰

忠勇校尉下曰忠翊校尉從八品上曰修武校尉下

曰敦武校尉正九品上曰保義校尉下曰進義校尉

從九品上曰保義副尉下曰進義副尉

此二階大定十四年創增

封爵正從一品曰郡王曰國公正從二品曰郡公正

從三曰郡侯正從四品曰郡伯

舊曰縣伯永承安二年更改

正五

品曰縣子從五品曰縣男凡勲級正二品曰上柱國

從二品曰柱國正三品曰上獲軍從三品曰護軍正

四品曰上輕車都尉從四品曰輕車都尉正五品曰



上騎都尉從五品曰騎都尉正六品曰驍騎尉從六品曰飛騎尉正七品曰雲騎尉從七品曰武騎尉凡食邑封王者萬戶實封一千戶郡王五千戶實封五百戶國公三千戶實封三百戶郡公二千戶實封二百戶郡侯一千戶實封一百戶郡伯七百戶縣子五百戶縣男三百戶皆無實封自天眷定制凡食邑同散官入銜司天翰林官舊制自從七品而下止五階自天眷定制司天自從四品而下立為十五階從四

品上曰欽象大夫中曰正儀大夫下曰欽授大夫正  
五品上曰靈憲大夫中曰明時大夫下曰頒朔大夫  
從五品上曰雲紀大夫中曰協紀大夫下曰保章大  
夫正六品上曰紀和大夫下曰司玄大夫從六品上  
曰探頤郎下曰授時郎正七品上曰究微郎下曰靈  
臺郎從七品上曰明緯郎下曰候儀郎正八品上曰  
推策郎下曰司正郎從八品上曰校景郎下曰平秩  
郎正九品上曰正紀郎下曰挈壺郎從九品上曰司

歷郎下曰司辰郎太醫官舊自從六品而下止七階  
天眷制自從四品而下立為十五階從四品上曰保  
宜大夫中曰保康大夫下曰保平大夫正五品上曰  
保頤大夫中曰保安大夫下曰保和大夫從五品上  
曰保善大夫中曰保嘉大夫下曰保順大夫正六品  
上曰保合大夫下曰保冲大夫從六品上曰保愈郎  
下曰保全郎正七品上曰成正郎下曰成安郎從七  
品上曰成順郎下曰成和郎正八品上曰成愈郎下

曰成全郎從八品上曰醫全郎下曰醫正郎正九品  
上曰醫效郎下曰醫候郎從九品上曰醫痊郎下曰  
醫愈郎內侍郎天德創制自從四品以下十五階從  
品上曰中散大夫中曰中尹大夫下曰中侍大夫正  
五品上曰中列大夫中曰中御大夫下曰中儀大夫  
從五品上曰中常大夫中曰中益大夫下曰中衛大  
夫正六品上曰中良大夫天德作中亮下曰中涓大夫從  
六品上曰通禁郎下曰通侍郎正七品上曰通掖郎

下曰通御郎從七品上曰禁直郎下曰侍直郎正八

品上曰掖直郎下曰內直郎從八品上曰司贊郎下

曰司謁郎正九品上曰司閤郎下曰司僕郎從九品

上曰司奉郎下曰司引郎教坊舊用武散官大定二

十九年以為不稱乃創定二十五階明昌三年自從

四品以下更立為十五階從四品上曰雲詔大夫中

曰仙韶大夫下曰成韶大夫正五品上曰章德大夫

中曰長寧大夫下曰德和大夫從五品上曰景雲大

夫中曰雲和大夫下曰協律大夫正六品上曰慶喜  
大夫下曰嘉成大夫從六品上曰肅和郎下曰純和  
郎正七品上曰舒和郎下曰調音郎從七品上曰比  
音郎下曰司樂郎正八品上曰典樂郎下曰協樂郎  
從八品上曰掌樂郎下曰和樂郎正九品上曰司音  
郎下曰司律郎從九品上曰和聲郎下曰和節郎凡  
內外官之政績所歷之資考更代之期去就之故秩  
滿皆備陳於解由吏部據以定能否又撮解由之要

於銓擬時讀之謂之銓頭又曾歷任銓頭而書于行  
止簿行止簿者以姓為類而書各人平日所歷之資  
考功過者也又為簿列百司官名有所更代則以小  
黃綾書更代之期及所以去就之故而制其銓擬之  
要領焉凡縣令則省除部除者通書而各疏之泰和  
四年定考課法准唐令作四善十七最之制四善之  
一曰德義有聞二曰清慎明著三曰公平可稱四曰  
勤恪匪懈十七最之一曰禮樂興行肅清所部為政

教之最二曰賊役均平田野加闢為牧民之最三日  
決斷不滯與奪當理為判事之最四曰鈴束吏卒姦  
盜不滋為嚴明之最五日案簿分明評擬均當為檢  
校之最以上皆謂縣令丞簿警巡使副錄事司候判  
官也六曰詳斷合宜咨執當理為幕職之最七曰盜  
賊消弭使入安靜為巡捕之最八曰明於出納物無  
損失為倉庫之最九曰訓導有方生徒充業為學官  
之最十曰檢察有方行旅無滯為關津之最十一曰



隄防堅固備禦無虞為河防之最十二曰出納明敏  
數無濫失約監督之最十三曰謹察禁囚輕重無怨  
為獄官之最十四曰物價得實姦濫不行為市司之  
最謂市令也十五曰戎器完肅扞守有方為邊防之  
最謂正副部隊將鎮防官也十六曰議獄得情處斷  
公平為法官之最十七曰差役均平盜賊止息為軍  
職之最謂都軍軍轄也凡縣令以下三最以上有四  
善或三善者為上陞一等三最以上有二善者為中

減兩資歷三最以上有一善為下減一資歷節度判  
官防禦判官軍判以下一最而有四善或三善為上  
減一資歷一最而有二善為中陞為榜首一最而有  
一善為下陞本等首又以明昌四年之制軍民俱稱  
為廉能者為廉能官參于其間而定其甄擢焉宣宗  
興定元年行辟舉縣令法考以六事一曰田野闢二  
曰戶增三曰賦役平四曰盜賊息五曰軍民和六  
曰詞訟簡六事俱備為上等升職一等兼四事者為

中等減二資歷其次為下等減一資歷否則為不稱

職罷而降之平常者依本格凡封王大國號二十四

恒

舊為遼明昌二年以漢遼唐宋梁秦殷楚之類皆昔有天下者之號不宜封臣下遂皆改之 邠舊為

梁

汴舊為 鎬舊為 并舊為 益舊為 彭舊為 趙越舊為

殷

郢舊為 魯翼豫絳舊為 兗鄂舊為 夔舊為 宛舊為

曹次國三十曰涇

舊為 鄭衛韓潞幽瀋岐代澤徐滕

薛紀昇

舊為 邢翼豐畢鄧邠霍蔡瀛按金格舊 沂荆

榮英壽溫小國三十濮遂

舊曰 道定景後改 申崇宿

昔莒鄆郟舒淄邾萊

舊為宗以  
避諱改

郟邾杞向管

舊曰邾  
興定元

年改密胙任載鞏蔣

士民須知  
云舊為葛

蕭莘芮封王之郟號十

金源廣平原南陽常山太原平陽東平安定延安

封公主之縣號三十樂安清平蓬萊榮安棲霞壽光

靈仙壽陽鍾秀惠和永寧慶雲靜樂福山隆平德平

文安福昌順安樂壽靜安靈壽大寧聞喜秀容宜芳

真寧嘉祥金鄉華原凡白號之姓完顏溫特赫瓜爾

佳圖們布薩珠格伊勒圖沃呼旺扎卜阿布哈珠嚕

輝特輝罕輝羅徹木袞賽密呼烏克遜舒爾圖卓特

烏蘇占博提斯博爾濟克烏實拉舒古蘇珠爾罕光

嘉喇皆封金源即費摩圖克坦溫都烏凌阿阿克占

赫舍哩納喇富珠哩珠勒根納哈塔實嘉布希瓜爾

佳哈達尼瑪蘭穆延納塔烏蘇烏新拜格溫都遜諾

延色赫哩烏色哈薩喇納雅阿里巴爾坦泥沙富色

里皆封廣平郡烏庫哩烏雅鈕祜祿通吉洪果延扎

博和哩必喇幹哩都克塔尼瑪哈托羅特赫舒沙達

喇阿蘇薩察卓多穆納木都魯雅蘇貝額蘇哩愛新

納克古勒琿斡色索歡呼雅皆封隴西郡黑號之姓

唐古富察珠嘉蒙古伯蘇鈕祜祿鄂屯錫默珠格愛

滿都克塔哩摩年伊年托諾蘇伯林皆封彭城郡親

王母妻封一字王者舊封王妃為正從一品次室封

王夫人永安二年勅王妃止封王夫人次室封孺人

郡王母妻封郡王夫人國公母妻封國公夫人郡公

母妻封郡公夫人郡侯母妻封郡君

永安二年更  
為侯夫人人四

品文散少中大夫武散懷遠大將軍以上母妻封縣

君

承安二年  
為郡君

五品文散朝列大夫武散宣武將軍以

上母妻封鄉君

承安二年  
為縣君

皇統五年以古官曰牧曰

長各有總名今庶官不分類為名於文移不便遂定

京府尹牧留守知州縣令詳袞羣牧為長官同知簽

院副使少尹通判承曰左貳官判官推官掌書記主

簿縣尉為暮職官兵馬司及它司軍者曰軍職官警

巡市令錄事司候諸參軍知律勘事勘判為釐務官

應管僉庫院務者曰監當官

監當官出  
大定制

知事孔目以

下行文書者為吏凡除拜尚書令左右丞相以下品  
不同者則帶守字左右丞則帶行守字凡臺官御史  
部官京尹少尹守令丞簿尉錄事諸知少至協律評  
事諫官國子監學官諸監丞丞郎符寶郎東宮詹事  
率府僕正副令丞王府官散官高於職事者帶行事  
職事高於散官一品者帶守字二品者帶試字品同  
者皆否明安穆昆翰林待制修撰判推勘事官都事



典事知事內承奉押班通事舍人通進編修勾當  
舍部役廂官受給管勾巡河官直省直院長副諸檢  
法知法司正教授司獄司候東宮論德贊善掌寶典  
儀以下王府文學記事叅軍並帶充字樞密宣徵勸  
農諸軍都指揮統軍轉運使招討提刑節度羣牧防  
禦客省引進四方館閤門大醫教坊鷹坊警巡巡檢  
諸司局倉庫務使副皆帶充字及知某事几帶知判  
簽書字者則不帶行守試字以上所帶字品同者則

否自三師三公平章政事元帥以下至監軍東宮三師三少點檢至振肅承旨學士王傅副統招討及前

所不載者皆不帶行守試知充字主事四員從七品掌知管差除校勘行止分掌封勅資考之事惟選事則通署及掌受事付事檢勾稽失省者文牘兼知本部宿直檢校架閣餘部主事自受事付事以下所掌

並同此

皇統四年六部主事始用漢士人大定三年用進士非特旨不得擬吏人如宰執保奏人

材不入常例承安五年增女直主事一員令史六十九人內女直二十九人譯史五人通事二人與令史

同泰和八年  
令史增十人

架閣庫

大定二十一年六月  
設仍以主事提控之

管勾正八

品掌吏兵兩部架閣兼檢校吏部行止

以識女直契  
丹漢字人充

如無擬識女  
直漢字人充

同管勾一員官誥院提舉二員掌署院

事

以吏部郎中翰林  
修撰各一人充

戶部尚書一員正三品侍郎二員正四品

泰和八年減  
一員成安二

年復

郎中二員正五品

天德二年置五員泰和省作  
二員又作四員貞祐四年置

八員五年  
作六員

員外郎三員從六品郎中而下皆以一員

掌戶籍物力婚姻繼嗣田宅財業鹽鐵酒麴香茶礬

錫丹粉坑治權場市易等事一員掌度支國用俸祿

恩賜錢帛寶貨貢賦租稅府庫倉廩積貯權衡度量

法式給受職田拘收官物并照磨計帳等事

泰和令作二員

後增一員貞祐四年作六員又作八員五年作四員

主事五員從七品女直司

二員通掌戶度金倉等事漢人司三員同員外郎分

掌曹事

泰和八年減一員貞祐四年作八員五年六員

兼提控編附條格管

勾架閣等事

合史七十二人內女直十七人譯史五人通事二人泰和八年增八人

架

閣庫管勾一員正八品掌戶禮兩部架閣

大安三年以主事各

兼同管勾從八品檢法從八品勾當官五員各八品

貞元二年設幹辦官十員從七品三年置四員尋罷

之四年更設為勾當官專提控支納管勾勘覆經歷

交鈔及香茶鹽引照磨文帳等事

承安二年作四員  
貞祐四年作十五

員五年作十員興定元  
年五員二年復作十員

禮部尚書一員正三品侍郎一員正四品郎中一員從

五品員外郎一員從六品掌凡禮樂祭祀燕享學校

貢舉儀式制度符印表疏圖書冊命祥瑞天文漏刻

國忌廟諱醫卜釋道四方使客諸國進貢犒勞張設

之事

凡試僧尼道女冠三年一次限度八十人差京府幕職或節錢防禦佐貳官二員僧官二人道

官一人司吏一名從人各一人厨子二人把門官一名雜役三人僧童能讀法華心地觀金光明報恩華嚴等經共五部計八袞華嚴經分為四袞每袞取二卷卷舉四題讀百字為限尼童試經半部與僧童同道士女冠童行念道德救苦王京上清災靈寶度人等經皆以誦成句依音為通中選者試官官絡據以名報有司凡僧尼官見管人及八十道士女冠及三十人者放度一名死者令監壇以度牒申節毀之

主事二員從七品

令史十五人內女直五人譯史二人通事一人

左三部檢法司司正二品正八品掌披詳法狀

興定二年

右部額外設檢知法及掌法四年罷

檢法二十二員從八品掌檢斷各

司取法文字右三部檢法職事同

元受劄付大定三年命給勅

兵部尚書一員正三品侍郎一員正四品郎中一員從

五品員外郎二員從六品掌兵籍軍器城隍鎮戍廐

收鋪驛車輅儀使郡邑圖志險阻障塞遠方歸化之

事

凡給馬者從一品以上從八人馬十疋食錢三貫十四文從二品以上從五人馬七疋食錢二貫九

十八文從三品以上從三人馬五疋錢一貫五百十一文從五品以上從二人馬四疋錢九百六十八文

從七品以上從一人馬三疋錢六百十七文從九品以上從一人馬二疋錢四百六十四文無從人減七

十八文御前差無官者視從五品者差若有官者人  
支錢四百五十一文有從人加六十八文走馬人支  
錢百五十七文故書曰行五百里此天典近鑑所載  
之制也泰和六年置地鋪其制該軍馬路十里一鋪  
鋪設四人內鋪頭一人鋪兵三人以所轄軍射糧軍  
內差充腰鈴日行三百里凡元帥府六部文移以勅  
遞省遞牌子  
主事二員從七品  
管勾兼漢人主事令  
史二十七人內女直十二  
人譯史二人通事二人

刑部尚書一員正三品侍郎一員正四品郎中一員從  
五品員外郎二員從六品一員掌律令格式審定刑  
名關津讞察赦詔勘鞫追徵給沒等事一員掌監戶



官戶配隸許良賤城門啓閉官吏改正功當捕止等

事主事二員從七品

今史五十一人內女直二十二人譯史五人通事二人

祭

閣庫管勾一員正八品掌刑工兩部架閣

大安二年以主事各

兼同管勾一員從八品

工部尚書一員正三品侍郎一員正四品郎中一員從

五品掌修造營建法式諸作工匠屯田山林川澤之

禁江河隄岸道路橋梁之事員外郎一員從六品

員祐

五耳兼覆實司官

主事二員從七品

今史十八人內女直四人譯史

天德三年增二員

二人通  
事一人覆實司管勾一員從七品隸戶工部掌覆實

營造材物工匠價直等事

太安元年賴三司工部罷同管勾貞祐五年併罷之

以工部主事兼與定四年後設提省擬不令戶工部舉

右三部檢法司司正二員正八品檢法從八品二十

二員

都元帥府

掌征討之事兵罷則省天會二年代宋始置泰和八年復改為樞密院

都元帥

一員從一品左副元帥一員正二品右副元帥一員

正二品元帥左監軍一員正三品元帥右監軍一員

正三品左都監一員從三品右都監一員從三品經

歷一員都事一員知事一員

見典定三年

正七品檢法一

員從八品

元帥府女直令史十二人承安二年十六人漢人令史六人謂史三人女直譯史一

人承安二年二人通事女直三人從作六人承安二年復作三人漢人二人

正隆六年海

陵南伐丘三道都統制府及左右領軍大都督將三

十二總管有神策神威神捷神銳神毅神翼神勇神

果神略神鋒武勝武定武威武安武捷武平武成武

毅武銳武揚武翼武振威定威信威勝威捷威烈威

毅威震威略威果威勇之號泰和六年伐宋權設平  
南撫軍上將軍正三品至殄寇果毅都尉從六品凡  
九階曰平南撫軍上將軍平南冠軍大將軍平南龍  
驤將軍平南虎威將軍平南盪江將軍殄寇中郎將  
殄寇郎將殄寇折衝都尉殄寇果毅都尉軍還罷置  
譚史八十人正三十三人  
餘四十七人從本府選擢元光間招義軍置總領使  
從五品副使從六品訓練官從八品正大二年更總  
領名都尉陞秩為四品四年又陞為從三品有建威

折衝振武邊寇果毅殄寇虎賁鷹揚破虜之名

樞密院

天德七年始置于廣寧府天會三年下燕山初以左企弓為使後以劉彥宗初猶如遼南院之

制後泰和六年嘗改為元帥府樞密使一員從一品則否

掌凡武備機密之事樞密副使一員從二品

泰和四年至二

人後不為例

簽書樞密院事一員正三品同簽樞密院事

一員正四品

大定十七年增一員尋罷明昌初復增一員尋又省三年九月復增一員經

歷一員從五品

興定三年置

都事一員正七品掌受事付

事檢勾稽失省署文牘兼知宿直之事架閣庫管勾

一員正八品知法二員從八品掌檢斷各司取法之

事餘檢法同

樞密院令史女直十二人漢人六人三品官子弟四人吏員轉補二人譯史三

人通事三人回紇譯

史一人伊喇十五人

大宗正府泰和六年避睿宗諱改為大睦親府判大宗

正事一員從一品以皇族中屬親者充掌敦睦糾率

宗屬親奉皇命泰和六年改為大睦親事同判大宗

正事一員從二品泰和六年改為同判大睦親事同

簽大宗正事一員正三品宗室充

大定元年置

泰和六年

改同簽大陸親事大宗正丞二員從四品一員於宗室中選能幹者充一員不限親疎分司上京長貳兼管治臨潢以東六司屬泰和六年改為大陸親丞知事一員從七品檢法從八品諸宗室將軍正七品上京東和倫特赫二處皆有之世宗時始命遷官其戶凡百二十明昌二年更名曰司屬設令丞承安二年以合同隨朝司令正七品丞正八品中都上京蜚爾袞合右西南瑪展寨扶餘臨潢泰州金山等處置屬

太宗正府

御史臺登聞檢院額馬

見士民須知總格  
泰和令皆不載

御史大夫從

二品

舊止三品大  
定十二年陞

掌糾察朝儀彈劾官邪勘鞠官府

公事凡內外刑獄所屬理斷不當有陳訴者付臺治

之御史中丞從三品貳大夫侍御史二員從五品以

上官品皆大定十二年遞陞掌奏事判臺事治書侍

御史二員從六品掌同侍御史殿中侍御史二員正

七品每遇朝對立於龍墀之下專劾朝者儀矩凡百



僚假告事其奏目進呈監察御史十二員正七品掌

糾察內外非違刷磨諸司察帳并監察禮及出使之

事

參注諸邑人大定二年八員承安四年十員承安五年兩司各添十三員

典史二員從

七品架閣庫管勾一員從八品檢法四員從八品獄

丞一員從九品

御史臺令史女直中三人內班內祇六人終場舉人七人漢人十五人內

班內祇十人終場舉人八人譯史三人內

班內祇二人終場舉人一人通事三人

宣撫司泰和六年置陝西路宣撫使節制陝西右監軍

右都監馬兵公事八年改陝西宣撫司為安撫司山

東東西大名河北東西河東南北遼東陝西咸平昌  
安上京肇州北京凡十處置司使從一品副使正三  
品

勸農使司泰和八年罷貞祐間復置興定六年罷勸農  
司改立司農司使一員正三品副使一員正五品掌  
勸課天下力田之事

司農司興定六年置兼採訪公事大司農一員正二品  
卿三員正四品少卿三員正五品知事二員正七品

興定六年陝西并河南三路置行司農司設官五員  
正大元年歸德許州河南陝西各置作三員卿一員  
正四品少卿一員正五品丞一員正六品卿以下迭  
出巡察官吏臧否而陞黜之使節所過姦吏屏息  
十年之間民政修舉實賴其力

三司泰和八年省戶部官員置三司謂兼勸農鹽鐵度  
支戶部三科也貞祐罷之使一員從二品副使一員  
正三品簽三司事一員正四品同簽三司事一員正

五品掌勸農鹽鐵度支判官三員從六品本參幹官

大安元年更參議官措審計官三員正七品掌同參

幹官知事二員從七品

以識女直漢字人充

勾當官二員正八

品

大安元年置三員照磨吏元七人

管勾架閣庫一員正八品

三史今史

五十人內女直十人漢人四十大安元年增八人譯史二人大定元年增一人通事二人

知法

三員從八品

女直知法一員大安元年增二員

國史院

先嘗以諫官兼其職明昌元年詔諫官不得而恐於其奏章私溢已美故也

鹽修國

史掌監修國史事修國史掌修國史判院事同修國

史二員

女直漢人各一員承安四年更更擬女直一員罷契丹同修國史

編修官正

八品女直漢人各四員

明昌二年罷契丹編修三員添女直一員大定十八年用

書寫出職人

檢閱官從九品

書寫女直漢人各五人

修遼史刊修官

一員編修官三員

翰林學士院

天德二年命翰林學士院自侍讀學士至應奉文字通設漢人十員女直契丹各七

員翰林學士承旨正三品掌制撰詞命凡應奉文字

銜內帶知制誥

直學士以上同

貞祐三年陞從二品翰林學

士正三品翰林侍讀學士從三品翰林侍講學士從

三品翰林直學士從四品不限員翰林待制正五品不限員分掌詞命文字分判院事銜內帶知制誥翰林修撰從六品不限掌與待制同同應奉翰林文字從七品

審官院

承安四年設大安二年罷之若注擬失當上令御史臺官論列知院一員從三

品掌奏駁除授失當事

隨朝外事外路五品以上官除授並送本院審之補闕拾

遺監察雖七品亦送本院或御批亦送稟雜部除不送同知審官院事一員從

四品掌書四人

女直漢人各二人以御史臺終場舉人擇充

太常寺

皇統九年正月始置

太廟廩犧郊社諸陵大樂等署隸焉

卿一員從三品少卿一員正五品丞一員正六品掌

禮樂郊廟社稷祠祀之事博士二員正七品掌檢討

典禮檢閱官一員從九品掌同博士

泰和元年置四年罷檢討

二員從九品

明昌元年置以品官子孫及終場舉人同國史院漢人書寫例試補

太祝

從八品掌奉祀神主奉禮郎從八品掌設版位執儀

行事協律郎從八品掌以麾節樂調和律呂監視音

調太廟署皇統八年太廟成設署置令丞仍兼提舉

慶元明德永祚三宮令一員從六品掌太廟行慶坤  
寧宮殿神御諸物及提控諸門關鍵掃除守衛兼廩  
犧令事丞一員從七品兼廩犧署丞直長明昌三年  
罷廩犧署令丞以太廟令丞兼掌薦犧牲及養飼等  
事

郊社署

承安三年設祝史齋郎百六十人作班祇儀  
使周年一替大安元年奏兼武成王廟署

令一員從六品丞一員從七品掌社稷祠祀祈禱并  
廳舍祭器等物直長明昌三年廢



武成王廟署大安元年置令從六品丞從七品掌春  
秋祀享以郊社令丞兼

諸陵署

大安四年  
同隨朝

提典山陵正五品涿州刺史兼令

從六品丞一員從七品掌守山陵直長正八品

園陵署令宛平縣丞兼貞祐二年以園陵遷大興縣  
境遂以大興縣令丞兼

大樂署兼鼓吹署樂工百人令一員從六品丞從七  
品掌調和律呂教習音聲并施用之法樂工部籍直

長一員正八品大樂正從九品掌祠祀及行禮陳設  
樂縣大樂副正從九品

右屬太常寺

金史卷五十五



總校官舉人臣章維桓

校對官學錄臣常循

騰錄監生臣張彭齡

欽定四庫全書薈要

史部

金史卷五十八

六至

詳校官原任侍講臣王燕緒



欽定四庫全書薈要卷六千二百九十八

金史卷五十六

元中書右丞相總裁托克托等修



第三十七

百官二

殿前都點檢司	宣徽院	祕書監
國子監	太府監	少府監
軍器監	大理寺	弘文院
都水監	諫院	登聞鼓院
集賢院	益政院	武衛軍御指揮
衛尉司	戶禮兵刑工部所轄諸司	
三路檢察及外路倉庫牧圍等職		

殿前都點檢司

天眷元年置

掌親軍總領左右衛將軍符寶

郎宿直將軍左右振肅宮籍監近侍等諸局署鷹坊

頓舍官隸馬殿前都點檢正三品兼侍衛將軍都指

揮使掌行從宿衛闕防門禁督攝隊仗總判司事殿

前左副都點檢從三品兼侍衛將軍副都指揮使殿

前右副都點檢從三品兼侍衛將軍副都指揮使掌

宮掖及行從殿前都點檢判官從六品

大定十二年設知事

一員從七品

殿前左衛將軍殿前右衛將軍殿前左衛副將軍殿  
前右衛副將軍掌宮禁及行從宿衛警嚴仍總領護  
衛右衛同此

符寶郎四員掌御寶及金銀等牌

舊名牌印祇侯大定二年改為符寶

祇侯改牌印令史為符寶典書四人

左右宿直將軍從五品掌總領親軍凡宮城諸門衛

禁并行從宿衛之事八員

大定二十九年行十員復作十一員

左右振肅正七品掌妃嬪出入總領護衛導從

本妃嬪護



衛之長夫定

二年改令名

宮籍監提點正五品監從五品副監從六品丞從七  
品掌內外監戶及地土錢帛小大差發直長二員正  
八品掌同丞

近侍局提點正五品泰和八年勅設使從五品副使

從六品掌侍從承勅令轉進奏帖直長正八品

大定十八

年增二員奉御十六人舊名入寢殿實達爾奉職三  
十人舊名不入寢殿實達爾又名外帳實達爾皆大  
定十二

年更

器物局提點正五品使從五品副使從六品掌進御

器械鞍轡諸物直長正八品都監正九品

明昌三年著罷

同

監從九品

泰和四年設

尚廐局提點正五品使從五品副使從六品掌御馬

調習牧養以奉其事

大定二十九年添副使一員管小馬羣

直長一員

司馬牛羣掌廐都轄正九品

不限員

副轄從九品

不限員數

考資

尚輦局使五品副使從六品掌承奉輿輦等事直長

正八品

不限資考  
大定十九年  
除年六十以下人充

典輿都轄

從九品

不限

收支都監正九品大定二十年設掌給受之事

資考

同監泰和四年設

大定二年  
省

巴哩巴四人

鷹坊提點正五品使從五品副使從六品掌調養鷹

鷗海東青之類直長正八品

不限  
員

管勾從九品

不限  
員數

資考

武庫署令從六品掌收貯諸路常課甲仗

以曉軍器  
女直人充

丞從七品直長二員正八品

大定二年  
省一員

武器署提點從五品令從六品丞從七品掌祭祀朝

會巡幸及公卿婚奠鹵簿儀仗旗鼓笛角之事直長

正八品

或二員

頓舍官二員

泰和令總格作四員

正八員直長

見士

民須知泰

和令無

右屬殿前都點檢司

宣徽院左宣徽使正三品右宣徽使正三品同知宣徽

院事正四品同簽宣徽院事正五品宣徽判官從六品

掌朝會燕享凡殿庭禮儀及監知御膳

所隸弩手傘子二百

三十九人控  
鶴二百人

拱衛直使司威捷軍隸焉舊名龍翔軍正隆二年更

為神衛軍大定二年更名為拱衛司都指揮使從四

品舊曰副都指揮使從五品舊曰掌總統本直謹嚴

儀衛大定五年詔以使為都指揮使副使為副都指

揮使什將長行威捷軍承安二年簽弩手千人  
泰和四年以之備邊事鈐轄

正六品都轄從九品不奏

客省使正五品副使從六品掌接伴人使見辭之事

引進使正五品副使從六品掌進外方人使貢獻禮  
物事

閣門

明昌五年閣門宮  
以次排轉除授

東上閣門使二員正五品

明昌

六年省一員作  
從五品西門

副使二員正六品

明昌六年省  
一員西同

簽事

一員從六品掌簽判閣門事

西同明昌六年  
以減副使置

西上閣

門使二員正五品副使二員正六品簽事一員從六

品掌贊導殿庭禮儀

西閣門餘  
副貳同

閣門祇二二十五人

正大間三

十二人 閣門通事舍人二員從七品掌通班贊唱

承奏勞問之事承奉班都知正七品掌總率本班承奉之事舊置判官後罷內承奉班押班正七品掌總率本班承奉之事御院通進四員從七品掌諸進獻禮物及薦享編次位序

尚衣局提點正五品使從五品副使從六品掌御用衣服冠帶等事都監正五品

舊設後罷

直長正八品同監

從九品

儀鸞局

泰和四年或以少府監官兼或兼少府監官

提點正五品使從五

品副使從六品掌殿庭鋪設帳幕香燭等事直長四

員正八品

泰和令  
三員

收支都監正九品二員一員掌給

受鋪陳諸物一員掌萬寧宮收支庫

大定十年置明  
昌二年增一員

同監二員從九品

司吏二人如內  
藏庫知書例

尚食局

元光二年參用  
近侍奉御奉職

提點正五品使從五品副使

從六品掌總知御膳進食先嘗兼管從宮食直長一

員正八品

不限  
資考

都監三員正九品

不限  
資考

生料庫都監

同監各一員掌給受生料物色收支庫都監同監各



一員掌給受金銀裹諸色器皿

以外路差除  
人內選充

尚藥局提點正五品使從五品

出城宮  
內選除

副使從六品

掌進湯藥茶果直長正八品都監正九品果子都監

同監各一員掌給受進御果子

本局已哩  
已四人

太醫院提點正五品使從五品副使從六品判官從

八品掌諸醫藥總判院事管勾從九品隨料至十人

設一員以術精者充如不至十人併至十人置

不限  
資考

正奉上太醫

一百二十  
月升除

副奉上太醫

不  
月日

長行太醫

不真  
月日  
十科額五十人

御藥院提點從五品直長正八品掌進御湯藥

明昌五年

設以親信

都監正九品

不限員泰和令四員

同監從九品

不常除泰

和令

無

教坊提點正五品使從六品副使從六品判官從八

品掌殿庭音樂總判院事諧音郎從九品

不限資考員數

內藏庫

大定二年分為四庫

使從五品副使從六品掌內府珍

寶財物率隨庫都監等供奉其事直長一員

承安二年增

頭面庫都監正九品同監從九品

巴哩巴十人大定  
二定大身依不

入寢殿

段匹庫都監正九品同監從九品

巴哩巴  
十二人

金

小底例

銀庫都監正九品

巴哩巴  
八人

雜物庫都監正九品同監

從九品

巴哩巴八人每  
庫知書各二人

宮闈局

舊名宮闈局大定二年改  
為局舊設令丞改為使副

提點正五品使從

提點副使從六品掌宮中閣門之禁率隨位都監同

監及內直各給其事直長正八品內直一百七十人

後作百七

十九人

內侍局令二員從八品

興定五年  
作從六品

丞二員從九品

興定五年  
陸從七品

掌正位閤門之禁率殿位都監同監及御

直各給其事局長二員從九品興定五年陸正八品

御直內直共六十四人明昌元年分  
宮闈局正位內直置初隸宮闈局

東門都監同監諸隨殿位承應都監同監掌各位承

應及門禁管鑰

昭明殿都監同監

大定二十九  
年設各一員

承徽殿都監同監

麗妃  
位

隆徽殿都監同監

本隆和殿  
係皇后位

鸞翔殿都監

同監 宗儀殿都監同監 迎暉殿都監同監

七妃充客

泰和三

藥珠殿都監同監 瑞寧殿都監同監

年罷

回春殿都監同監 芸香殿都監同監 瑞像殿都

監同監

係佛殿以上殿字下殿位字

凝福

改詔景

溫芳二位都監

同監 瑤華柔則二位都監同監

以上無殿字及承應字

嘉

福等殿位都監同監 廣仁殿都監同監 睿思

位四

殿都監同監

以上有承應字

滋福殿都監同監

本以隆慶改無位字

咨正殿都監同監 通英殿都監同監 長慶院

都監同監 仙韶院都監同監 貞和門都監同監

應係錢帛經此門出入明昌四年添一員

右昇平門都監同監 長樂

門都監同監 瓊林苑都監同監

各二員

廣樂園都

監同監 順儀位提控都監同監

舊寶林位

瑞華門

名格

金骨 桑門都監一員同監三員 太師位提控都監同監

寶昌門都監同監 會昌門都監同監 東京孝

寧宮都監同監

宗妃位提控

世宗夫人興陵

惠妃位提

控都監同監

裕綾

溫妃位提控都監同監

裕陵二位明昌四年

添

報德寺提控都監同監

世宗御客  
光泰門街

報恩寺提

控都監同監

世宗御客清夷門  
街明昌三年設三

孝嚴寺都監同監

在南京安宣宗御客改興國感誠

寧福殿都監同

寺正人元年設三以下者在南京

監三統和殿都監同監三

仁安殿都監同監三

真妃位都監同監三

麗妃位都監同監 宣儀

位都監同監 莊獻妃位都監同監 三廟都監同

監貞祐二  
年設

西華門都監同監 京後園都監同監

內侍寄祿官

泰和二年設初隸宮  
閤局尋直隸宣徽院

所以陞用內侍局

御直內直有年勞者

中常侍

正五品

給事中

從五品

內殿通直

正六品先名內殿給

使

黃門郎

從六品

內謁者

正七品

內侍殿頭

從七品

內使高品

正八品不限員

內侍高班

從八品

典衛司

大定二十九年世宗才人寶林位各設泰和五年閏八月以宗妃堯興定元年復設世宗

妃才人寶林位各設防衛軍導從人

令正七品丞從七品直長

見士民須知

孝靖宮

章宗五妃位大安元年以有同監無總領者故設

令從八品丞正九

品 端妃位同監

真妃圖克坦民

慧妃位同監

麗妃圖克坦民



貞妃位同監

系妃唐  
克坦民

靚儀位同監

昭儀瓜  
爾佳氏

才媛

位同監

修儀烏  
庫哩氏

懿安家

貞祐三年為  
莊獻太子設

令從八品丞正九品

宮苑司令從六品丞從七品掌宮庭修飭洒掃啓閉

門戶鋪設氈席之事直正八品一員

泰和令  
一員

都監同

監二員

泰和二年設泰  
和四年罷同監

尚醞署令從六品丞從七品掌進御酒醴直長正八

品二員

典客署令從六品丞從七品直長後罷

書表十人

侍儀司

舊名擊執局大定元年改為侍儀局大定五年陞局為司

令從六品

舊曰局使

掌侍本朝儀率採案擊執奉輦各給其事

直長正七品

舊設局副品從七

### 右屬宣徽院

祕書監署作局筆硯局書畫局司天臺隸馬監一員從

三品少監一員正五品丞一員正六品祕書郎二員

正七品

泰和元年定為二員

通掌經籍圖書校書郎一員從七

品

承安五年二員泰和五年以翰林院官兼大安二年省一員

專掌校勘在監文

籍

著作局著作郎一員從六品著作佐郎一員正七品

掌修日曆

皇統六年著作局設著作郎佐郎各二員編修日曆以學士院兼額之

筆硯局直長二員正八品掌御用筆墨硯等事泰和

七年以女直應兼

舊名筆硯令史大定三年改為筆硯供奉以避諱改為承奉

書畫局直長一員正八品掌御用書畫紙札都監正

九品二員或一員

司天臺提點正五品監從五品掌天文曆數風雲氣

色密以奏聞少監從六品判官從八品教授舊設二

員正大初省一員

係籍學生七十六人漢人五十人女直二十六人

試補長行

司

天管勾從九品

不限資考員數隨科十人設一員以藝業尤精者充

長行人五

十人

未授職事者試補管勾

天文科女直漢人各六人算歷科

八人三式科四人測驗科八人漏刻科二十五人

儀銅

法物舊在法物庫貞

元二年始付本臺

右屬祕書監

國子監國子學太學隸焉祭酒正四品司業正五品掌

學校丞二員從六品明昌二年增一員兼提控女直學

國子學博士二員正七品分掌教授生員考藝業太學

同明昌二年添女直一員泰和四年減大安二年並罷助教二員正八品女直漢人

各一員教授四員正八品分掌教誨諸生明昌二年小學各添二員

承安五年一員不除國子校勘從八品掌校勘文字國子書寫

官從八品掌書寫實錄

太學博士四員正七品大安二年減二員助教四員正八品

明昌二年不除一員  
天安二年減一員

右屬國子監

太府監左右藏支應所太倉酒坊典給署市買司隸馬  
監正四品少監從五品丞二員從六品掌出納邦國  
財用錢穀之事

左藏庫使從六品副使從七品

興定三年  
增一員

掌金銀珠

玉寶貨錢幣

巴哩巴  
四人

右藏庫使從六品副使從七品

興定三年  
添一員

掌錦帛絲綿毛褐諸道常課諸色雜物

巴哩

巴四

支應所

又所支承所

都監二員正九品掌宮中出入

御前支賜金銀幣帛

大安三年省

太倉使從六品掌九穀廩藏出納之事

預除人

副使從

七品

酒坊

部除

使從八品副使正九品掌醞造御酒及支用

諸色酒醴

典給署本鈎盾署明昌三年更令從六品舊曰鈎盾

使丞從七品舊曰鈎盾副使掌宮中所用薪炭冰燭

并管官戶直長一員正八品

市買司天德二年更為市買局使從八品副使正九品掌收買宮中所用果實生料諸物

右屬太府監

少府監尚方織染文思裁造文繡等署隸焉

泰和四年選能幹官

兼儀鸞局

近上官 監正四品少監從五品丞二員從六品

大定

十一年省二

十一年復置 掌邦國百工營造事

尚方署令從六品丞從七品掌造金銀器物亭帳車



輿牀榻簾席鞍轡傘扇及裝釘之事

大定二十年令不專除人令人

兼直長正八品

圖畫署

明昌七年入祇應用

令從六品丞從七品掌圖畫縷

金匠直長正八品

明昌三年罷

裁造署令從六品丞從七品掌造龍鳳車具亭帳鋪

陳諸物宮中隨位牀榻屏風簾額條結等及陵廟諸

物并省臺部內所用物

器和令有畫繪之事

直長從八品

明昌三年

省裁造匠六人針工婦人三十七人

文繡署令從六品丞從七品掌繡造御用并妃嬪等

服飾及燭籠照道花卉

貞祐二年正設官一員

直長正八品

工繡

一人都繡頭一人副繡頭四人女四百九十六人內上等七十人次等凡四各二十六人

織染署令從六品丞從七品直長正八品掌織絳色

染諸供御及宮中錦綺幣帛紗縠

文思署

明昌七年省人祇應司

令從六品丞從七品掌造內外

局分印合傘浮圖金銀等尚輦儀鸞局車具亭帳之物并三國生日等禮物織染文繡兩署金線直長正

八品

明昌三年省去

右屬少府監

軍器監承安二年設泰和四年罷後并甲坊利器兩署為軍器署置令丞直長直隸兵部至寧元年復為軍

器監軍器庫利器署隸焉

舊轄甲坊利器兩署

監從五品少監

從六品丞從七品掌修治邦國戎器之事直長正八

品

泰和令無總格有

軍器庫至寧元年隸大興府貞祐三年來屬使正八

品副使正九品

省擬不奏

掌收支河南一路并在京所造

常課橫添和買軍器

大定五年設

甲坊署泰和四年廢舊置令丞直長

利器署本都作院興定二年更令名同隨朝來屬令  
從六品丞從七品掌修弓弩刀槊之屬直長正八品

右屬軍器監

都水監街道司隸馬分治監專規措黃沁河衛州置司  
監正四品掌川澤津梁舟楫河渠之事興定五年兼

管勾洽河漕運事作從五品少監正六品以下皆同

兼漕事少監從五品

明昌二年增一員  
鄆州分治

丞二員正七品

內一員外監分治貞元元年置掾正八品掌與丞同

外監分治

大定二十七年添一員明昌三年併罷之六年復置二員

勾當官四員

准備分治監差委

明昌五年以罷掾設二員  
興定五年設四員

街道司管勾正九品掌洒掃街道修治溝渠

舊南京街道司

隸都水外監貞元

二年罷歸京城所

都巡河官從七品掌巡視河道修完堤堰栽植榆柳

凡河防之事分治監巡河官同此其瀘溝崇福上下

埽都巡河兼石橋使通濟河節巡官兼建春宮地分

河道諸都巡河官掌提控諸埽巡河官

明昌五年設以合得縣令

人年六十者選充大定二

年設濬洹洹河巡河官二員散巡河官

於都局及丞簿廉舉人并見勾

當人六十以下者充

黃汴都巡河官下六處河陰雄武滎澤原武陽武延

津各設散巡河官一員

黃沁都巡河官下四處懷州孟津孟州城北各設黃

沁散巡河官各一員

衛南都巡河官下四處新鄉崇福上崇福下衛南淇  
上散巡河官各一員

滑濬都巡河官下四處武城白馬書城教城散巡河  
官各一員

曹甸都巡河官下四處東明西佳孟華陵城散巡河  
官各一員

曹濟都巡河官下四處定陶濟北寒山金山散巡河

官各一員

凡二十五埽埽  
兵萬二千人

諸埽物料場官常受給本場物料分治監物料場官  
同此惟崇福上下埽物料場官與當界官通管收支  
南京延津渡河橋官兼譏察事管勾一員同管勾一  
員掌橋船渡口譏察濟渡給受本橋諸物等事內譏  
察事隸留守司餘浮橋官同此

右屬都水監皇統三年四月懷州置黃沁河  
堤大管勾司未詳何年罷正大二年外監東



置歸德西置於河陰

諫院左諫議大夫右諫議大夫皆正四品左司諫右司  
諫皆從四品左補闕右補闕正七品左拾遺右拾遺  
正七品

大理寺天德二年置自少卿至評事漢人通設六員女  
直契丹各四員卿正四品少卿從五品正正六品丞  
從六品掌審斷天下奏案詳讞疑獄司直四員正七

品掌參議疑獄披詳法狀

舊有契丹司直一員明昌二年罷

評事三

員正八品掌同司直

明昌二年省契丹評事二員  
大漢人二員  
漢人一員知法

十一員從八品

女直司五員  
漢人司六員

掌檢斷刑名事明法二

員從八品與定二年置同流外四年罷之

弘文院知院從五品同知弘文院事從六品校理正八品  
掌校譯經史

登聞鼓院知登聞鼓院從五品同知登聞鼓院事正六品  
掌奏進告御史臺登聞檢院理斷不當事承安二

年以諫官兼知法二員從八品

女直漢人各一員

登聞檢院知登聞檢院從五品同知登聞檢院正六品  
掌奏御進告尚書省御史臺理斷不當事知法從八

品

女直漢人  
各一員

記注院修起居注掌記言動明昌元年詔母令諫官兼  
或以左右衛將軍兼貞祐三年以左右司首領官兼  
為定制

集賢院貞祐五年設知集賢院從四品

正大元年授馬  
璘額外兼吏部

即中同知集賢院從五品司議官正八品

不限  
員

諮議官

正九品

不限員

益政院正大三年置於內庭以學問該博議論宏遠者  
數人兼之日以二人上直備顧問講尚書通鑑貞觀  
政要名則經延實內相也末帝出遂罷

武衛軍都指揮使司

隸尚書兵部

都指揮使從三品

大定二十九年

以武衛軍六十八人兵馬一員副都二員其職低故設使品正四承安三年陞

副都指揮使

二員從四品副都一員從四品

初正五品承安三年陞

判官一

員

承安三年設

掌防衛都城警捕盜賊

鈐轄司鈐轄十員正六品

初設二員

都鈐轄四員從七品

興定三年權設巡把兩宅

都將二十員從九品

大定十六年立名

掌管轄

軍人防衛警捕之事

承安元年設萬人內軍八千九百四十九人忠衛二百人隊正

四百人

右屬武衛軍都指揮使司

衛尉司

大安元年擬隆慶宮人數定之

中衛尉從三品掌總中宮事務

副尉從四品左常侍從五品掌周護導守從儀仗之事

右常侍從五品常侍官護衛三十人

同東宮

奉引八十

人同控

傘子四人

同控

執旗二人

同儀

給事局使正七品副使正八品內謁者兼司寶二員

從六品

內直

奉閣一十人

同東宮入殿小底

閣直二十人

同

內直

內直

掖庭局令正九品

內直

掌皇后宮事務丞從九品

內直

充

宮令

宮苑司儀鸞局兼

食官

尚食局兼

飲官

內醞署兼

醫官

尚藥局大醫院

兼

主藏

內藏典給署兼

主廩

太倉兼

右屬衛尉司

權貨務

在京諸稅係中運司見錢皆權於本務收

使從六品副使從七品掌

發賣給隨路香茶鹽鈔司引

交鈔庫使

舊正八品後陞從七品貞祐復

掌諸路交鈔及檢勘錢鈔換

易收支之事副使從八品掌書押印合同判官正九

品

貞祐二年作從九品

都監二員

見泰和令

印造鈔引庫

大安二年兼抄紙坊

使從八品副正九品判正九品

掌監視印造勘覆諸路交鈔鹽引兼提控抄造鈔引

紙

承安四年罷四小庫併罷庫判四員至寧元年設二員貞祐二年作從九品

抄紙坊

大安二年以印造鈔引庫兼員  
祐二年後置仍設小都監二員

使從八品

員祐二年

同隨朝

副使正九品判從九品

交鈔庫物料場

至寧元年置

場官

舊正八品後作正九品

掌收支交鈔

物料隨處交鈔庫鈔紙坊使從八品

員祐二年施於上京西京北京

東平大名並都咸平真定河間平陽太康京兆平涼  
廣寧事府瑞蔚平清通順薊等州貞祐三年罷之

平準務

元光二年五月設十月罷

使從六品副使從七品勾當官六

員

右自權貨務以下皆屬尚書戶部



惠民司令從六品掌修合發賣湯藥

舊又設丞壹員大定三年有司言惠

民歲入息錢不價官吏俸工曰設此本欲濟民官非人怠於監視藥物財費何足計哉可減員而已直

長正八品都監正九品

右屬尚書禮部

四方館使正五品副使從六品掌提控諸路驛舍驛馬  
并陳設器皿等事

法物庫

元兼管大樂員元二年改付太常寺

使從六品副使從七品掌鹵

簿儀仗車輅法服等事直長正八品

泰和三

年省

承發司管勾從七品同管勾從八品掌受發省部及外  
路文字

右屬尚書兵部

萬寧宮提舉司

舊大寧宮更名壽安宮又更名

提舉從六品同提舉

從七品掌守護宮城殿位

巴哩巴五人

慶寧宮提舉司提舉正七品兼龍門縣令同提舉正八  
品兼儀鸞監

右屬尚書刑部

修內司

大定七年設

使從五品副使從六品掌宮中營造事

兵匠一千六十五人兵夫二

千人仍命以府監長官提控

直長二員正八品部役

官四員正八品掌監督工役受給官二員正八品掌支納諸物

都城所提舉從六品同提舉從七品掌修完廟社及城隍門鑰百司公廨係官舍屋并栽植樹木工役等事左右廂官各二員正八品掌監督工役受給官二員正八品掌支納諸物及埏埴等事

祇應司提點從五品令從六品丞從七品掌給宮中諸

色工作直長正八品收支庫都監同監

泰和元年置

甄官署令從六品丞從七品直長正八品掌劊石及埏  
埴之事

上林署提點從五品泰和八年勅大安二年省令從六  
品掌諸苑園池沼種植花木果蔬及承奉行幸舟船  
事丞從七品

大定七年增一員分司南京以  
勾到兼之大安三年復省一員

直長二

員正八品

花木局都監同監舊設接手員四人泰和元年罷復

以諸司人內置都監同監二員貞祐三年罷都同監

以同樂園管勾兼熙春園都監同監三員

泰和四年  
置貞祐三

省年

同樂園管勾二員每年額辦課程隸南運司宣宗南  
遷罷課改為隨朝職正八品

右皆屬尚書工部

京東西南三路檢察司

興定四年  
置

使從六品副使正七品

掌檢察支散軍糧驗軍戶實給均軍戶差役勸農種  
母犯私殺馬牛私鹽酒麴

南京豐衍東西庫

隸運司貞祐  
二年同隨朝

使正八品副使從八品

判二員正九品監支納各一員正八品

提舉南京權貨司

貞祐四  
年置

提舉從五品同提舉從六品

勾當官三員正九品

提舉倉場司

貞祐五年置先吏  
部辟舉後省擬

使從五品副使從六品

掌出納公平及母致虧敗監支納官八品十六員

以  
年

六十以下庶幹人充女直漢人各一廣盈倉豐盈倉  
永豐倉儲倉富國倉廣衍倉三登倉常盈倉西一場  
西二場西三場東一場東二場南一場北一場北二  
場通濟倉與在京倉置監支納使副各一員豐  
備倉豐瞻倉廣濟倉潼關倉興定五年初置潼關倉  
監支納一員兼樞密院彈壓陳州倉四員洧川  
倉二員

八作左右院設官同上掌收軍須軍器

金史卷五十六